

Cazas ed ils abitadis da la Mantogna Dadora

■ **Realta e Cazas, ils abitadis situads en il fund da la val, en enconuschents tratter auter per lur culegnas preistoricas, per la claustra dominicana a Cazas e per ils implants chantunals a Realta. En il sid da la vischnanca maina la via sin la Mantogna Dadora (Ausserheizenberg) cun ils abitadis da Tartar e Sarn (situads sur Cazas), Dalin e Präz (sur Realta) sco er Portein (sur Summaprada). Dapi il 2010 fan tut questas anteriuras vischnancas part da la vischnanca politica da Cazas.**

Realta (Riölta)

Culegnas en la vischnanca politica da Cazas. Ils signurs de Rialt, menziunads il 1170, residavan en il chastè da Riölta Sut (630 m), situà al stradun chantunal en il fund da la val. Riölta Sura (688 m) sa chattava probablmain a la veglia via da transit per ils pass dal Spleia e dal San Bernardin. A partir dal 1830 è il Rain Posteriur vegni mess en rempars, e sin il terren colmatà en vegnidas construidas la praschun (1855) e la clinica psichiatrica (1919) anc oz existents. Dal 1883 datescha la punt sur il Rain a Roten, dal 1896 la staziun da Roten-Riölta da la Viafier retica. *Jürg Simonett*

Cazis (Cazas)

Vischnanca politica, circul Tusaun, district Rain Posteriur (avant il 2001 Mantogna), situada lung la via veglia tras la

mesaun e tardiv sco era dal temp da fier. Ins ha era scuvert structures d'abitadis dal temp da bronz tempriv e mesaun: chasas en lingia, il traject d'ina via, numerusas chasettas da lain pli simplas cun fuainas e blers chats da la cultura interalpina dal temp da bronz. *Jürg Rageth*

Dal temp medieval al temp modern

En vischnanca da Rentic existan restanzas d'ina tur radunda, probablmain dal 11avel/12avel tschientaner; ils mirs da la fortezza da Montair/Montera e da Riölta Bassa n'èn betg pli visibels. A partir dal 12avel tschientaner è la claustra da Cazas daventada la pli gronda possessura da terren da la vart sanestra da la val, cun tschintg gronds bains (*curtes*) a Cazas e sin la Mantogna. Il 1156 è passads ils dretgs parochials da la baselgia da S. Martin, menziunada per l'emprima giada quel onn ed erigida en il temp medieval tempriv, a la baselgia claustrala da S. Peder. La suveranità territoriala han exercità ils baruns de Vaz fin il 1337, alura ils de Werdenberg e de Razén. Il 1473 è s'engaschà il vischinadi da Cazas, ensemen cun auters, per ina meglieraziun da la Viamala. Sco part dal port dad il Plaun profitava el dal traffic da transit e cun quai era da la via dal Spleia, construida il 1818–23. Fin il 1851 ha la vischnanca da Cazas appartegnì al cumün da Tusaun; ils dretgs episcopals ha ella cumprà ora il 1709. La correcziun dal Rain suenter il

Tartar

Anteriura vischnanca politica, circul Tusaun, district Rain Posteriur (avant il 2001 Mantogna). Fusiun cun Preaz, Purtagn e Sarn a la vischnanca politica da Cazas 2010 (refusà il 2005). Vitg a mantun situà a 994 m sin la Mantogna inferiura, cun las fracziuns dad Oberschauenberg, Valeina e Pro Biet ed il bain da Foppa. 1290/98 in *Tartare*. 1808 108 abitants; 1850 170; 1900 146; 1920 206; 1950 188; 2000 158. Ils purs da Tartar avevan da pajar tschains surtut a la claustra da Cazas (*colonia de Filectu* da la migiuria da Muntè), a l'uestgieu da Cuira ed als signurs von Schauenstein. La suveranità territoriala han exercità ils Vaz fin il 1337, alura ils Werdenbergs ed ils signurs de Razén, a partir dal 1475 l'uestg. Ecclesiasticamain ha Tartar appartegnì a la pravenda gronda da Munt Son Gion/Reziölta, a partir dal 1505 a Purtagn. Da quel temp è era attestada la chaplutta da S. Stefan che correspunda en sia sostanza architettonica essenzialmain a la baselgia reformada posteriura. La vischnanca da Tartar è restada paritetica suenter la reformaziun (1530–40) ed ha constituiu a partir d'alura ina pravenda cuminaivla cun Purtagn e Sarn. Tartar ha furmà fin il 1851 in vischinadi dal cumün da Tusaun ed ha cumprà ora il 1709 ils davos dretgs episcopals. L'incendi dal 1806 ha destruiu quasi completamain il vitg. Il 1893–94 è vegni construiu il stradun a Tartar. Fin viaden ils onns 1980



Baselgia evangelica a Cazas, erigida il 1996.

FOTO J. MENOLFI

tants; 1900 150; 1950 168; 2000 159. Chat d'ina munaida romana. Enturn il 1150 è attestada ina curt da la claustra da Cazas cun tschintg «huobas». Il 1257 possedeve la claustra da Curvalda bains a Sarn. La suveranità territoriala han exercità fin il 1337 ils de Vaz, alura ils de Werdenberg ed ils de Razén, a partir dal 1475 l'uestg da Cuira. Ecclesiasticamain ha appartegnì Sarn a la plaiv gronda da Munt Son Gion (Reziölta), suenter il 1505 a quella da Purtagn. Suenter la reformaziun (1530–40) ha Sarn furmà ina plaiv cun Tartar e Purtagn. La baselgia nova è menziunada per l'emprima giada il 1686. Fin il 1851 è stà Sarn in vischinadi ed il lieu da mastralia dal cumün da la Mantogna. Il 1709 ha la vischnanca cumprà ora ils davos dretgs episcopals. En ils onns 1893–94 han ins construiu il stradun a Sarn. La vischnanca è enconuschenta per ses allevament da muvel exemplaric. Suenter il 1976 è vegnida realisada sur Sarn la colonia da vacanzas «Lescha» (cun dus runals). Il 2005 lavuravan anc ca. 70% da las persunas cun activitad da gudogn a Sarn en il sectur primar, per part en cumbinaziun cun in gudogn accessoric en il turissem. *Jürg Simonett*

Dalin (Dagliegn)

Fracziun da l'antieriura vischnanca politica da Preaz, situada a 1236 m. 1224 *Alume*. Il num Dagliegn deriva dal latin *linum*, rumantsch glin. Per il 12avel tschientaner è attestada prestaziuns da sauaziun e schurnadas en servetsch da l'uestg da Cuira. En il 14avel tschientaner viveva a Dagliegn ina colonia dals canons catedrals ed in'otra da la migiuria da Scharons. La chaplutta da S. Onna, erigida il 1522, è vegnida spazzada pli tard e remplazzada il 1711 tras la Chasa Cadisch. Era la chaplutta sut Dagliegn, consecrada als ss. Anian e Damian, è vegnida spazzada. *Adolf Collenberg*

Präz (Preaz)

Anteriura vischnanca politica, circul Tusaun, district Rain Posteriur (avant il 2001 Mantogna). Fusiunada il 2010 cun Purtagn, Sarn e Tartar a Cazas. Vitg accumulà, situà sin la Mantogna, cun las fracziuns da Dagliegn e Raschlinas e cun bains isolads.



Cazas cun la baselgia da S. Peder e S. Paul e la claustra dominicana.

FOTO J. MENOLFI

Tumleatga a la riva vest dal Rain Posteriur, cun las culegnas da Riölta Sura, Riölta Sut, Luvreu, Ratitsch, Summaprada, Schauenberg e Valleina ed a partir dal 2010 cun Purtagn, Preaz, Sarn e Tartar (fusiun). 926 *Cacias*, dialect Tgazzas, tudestg *Cazis* (uffizial). 1803 420 abitants; 1850 755; 1900 738; 1950 1441; 1970 1687; 2000 1575.

Preistorgia ed istorgia tempriva

Las exchavaziuns effectuadas sin il Petrus-hügel (1938–40, 1951, 1981–82) han purtà a la glisch in foss pli grond cun ina stresa da cultura (tenor las emprimas exchavaziuns sa tractà d'ina chasa sutterrana dal temp neolitic), pliras fuainas e fuclars, mirs sitgs, suladas e marcaziuns da foras per pals. Ils objects chattads cumpiglian chermica grossa, sigirs da crap, artefacts da silex e d'auters craps, utensils dad ossa e da cornas-tschier che dateschan da la fin dal quart/terz millenni a.C. Las exchavaziuns dals onns 1981–82 han era mess a la glisch objects dal temp da bronz e dal temp medieval tardiv. Tenor l'interpretaziun actuala vegniva l'areal utilisà stagionalmain per la chatscha, per la pasculaziun sco era per l'exploziun ed elavuraziun da crappa, ossa e cornas-tschier.

Il 1943–44 ed il 1947–70 han ins scuvert la culegna da Cresta che datescha dals temps da bronz e da fier; ella sa chatta sin ina collina en ina chavorgia grippusa, nua ch'ins ha era chattà stresas da culturas da plirs meters grossezza che renvieschan a colonisaziuns dals temps da bronz tempriv,

1830 ha avert nov terren agricul a Riölta, nua ch'ins ha era erigi la praschun chantunala (1855) e la clinica psichiatrica (1919). Il 1896 è vegnidas realisadas las staziuns da la Viafier retica da Cazas e da Roten-Riölta. Dapi il 1955 mainan las mungias a Cazas ina scola da tegnairchasa. Il 2000 lavuravan 69% da las persunas cun activitad da gudogn a Cazas en il sectur terziar. Ils pendularis dal lieu e d'ordaifer sa tegnevan en ballantscha. Part da la populaziun da lingua rumantsch 1880 49% (lingua materna); 2000 4,7% / 8,6% (megra lingua / tuttas indicaziuns). *Jürg Simonett*

ha predominà il sectur primar a Tartar (oravant tut allevament da muvel), alura è sa sviluppà in turissem moderà cun divers chasas da vacanzas. Part da la populaziun da lingua rumantscha: 1900 23,1%; 2000 0,6% / 9,5% (megra lingua / tuttas indicaziuns). *Jürg Simonett*

Sarn

Anteriura vischnanca politica, circul Tusaun, district Rain Posteriur (avant il 2001 Mantogna). Fusiun cun Purtagn, Preaz e Tartar a Cazas il 2010. Vitg a mantun sin la Mantogna. 1156 *Sarn*. 1850 259 abi-



1290/98 *Paretz*, tudestg Präz (uffizial). 1803 286 abitants; 1850 303; 1900 201; 1950 231; 1990 145; 2000 178. Il 1958 han ins chattà a Raschlinas ina stela lepontica dal terz tschientaner a.C. cun in'inscripziun etrusca. Il 1290 è menziunads colons dal bain episcopal da Scharons, il 1370 tals da la claustra da Cazas. Il chastè da Heizenberg (tur da ca. 1200) era la sedia dals signurs de Vaz, alura dals de Werdenberg e de Razén. Il 1475 è ida la suveranità (senza il chastè) a l'uestg da Cuira. Ecclesiasticamain ha appartegnì Preaz a la plaiv da Munt Son Gion (Reziölta), a partir dal 1505 a quella da Purtagn. Il 1495 è attestada la chaplania, il 1519 in'atgna plaiv (consecrada a s. Maria e s. Gieri), il 1522 la chaplutta da S. Onna a Dagliegn (spazzada). Reformaziun suenter il 1525. Il 1709 ha la vischnanca cumprà ora ils davos dretgs episcopals. Fin il 1854 è Preaz stà in vischinadi dal cumün da Mantogna. Construcziun da la via charrabla a Schauenberg 1904. Meglieraziun 1942–55. Preaz viva oravant tut da l'allevament da muvel e d'in pau cultivaziun dad ers. *Jürg Simonett*

Portein (Purtagn)

Anteriura vischnanca politica, circul Tusaun, district Rain Posteriur. Fusiunada il 2010 cun Sarn e Tartar a la vischnanca politica da Cazas 2010. Vitg a mantun dal caracter d'in aclaun, situà a 1178 m sin il fil tranter la chavorgia da Purtagn e la Val da la Malanotg. 1378 *Purteym*, tudestg Portein (uffizial). 1808 48 abitants; 1850 65; 1900 30; 1950 37; 2000 26. Purtagn era il center d'ina communada da purs libers che possedeve in'atgna giurisdicziun bassa e ch'è vegnida integrada pli tard en il cumün da la Mantogna. Ils signurs feudals èn stads ils de Vaz fin il 1337, alura successivamain ils de Werdenberg, ils de Razén ed, a partir dal 1475, l'uestg da Cuira. Purtagn ha cumprà ora ils davos dretgs feudals il 1709. Purtagn fascheva part oriundamain da la plaiv da Munt Son Gion (Reziölta). Dal 1505 datescha la baselgia parochiala da S. Gagl, erigida per l'entira Mantogna (cun excepziun da Masagn). Reformaziun 1530–40. Il 1720 è crudada la baselgia da S. Gagl en la chavorgia da Purtagn ed è vegnida remplazzada tras in edificiu nov, erigi en il center dal vitg. L'onn 2000 era Purtagn la vischnanca grischuna cun ils pli paucs abitants. Il vitg muntagnard senza scola, butia, posta ed ustaria stueva exequir numerusas incumbensas en il rom da corporaziuns da vischnancas ed ha perquai consentì a la fusiun cun Cazas. *Jürg Simonett*

Lexicon Istoric Retic

Il LIR cumpiglia bundant 3100 arttgels (geografics, tematics, arttgels da familias e biografias) davart l'istorgia grischuna/retica e la Rumantschia. Editura: Fundaziun Lexicon Istoric Svizzer; versiun online: www.e-lir.ch; versiun stampada: www.casanova.ch u en mintga libreria.

Sguard vers la Mantogna Dadora cun ils vitgs da Tartar e Sarn (a dretga) e Portein (a sanestra).

FOTO J. MENOLFI